



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-06-15-47773/25
Sarajevo, 09.10.2025. godine

Na osnovu člana 4. stav (1) Pravilnika o postupcima u provođenju programa razvoja male privrede ("Službene novine Kantona Sarajevo", broj 17/25), a u skladu sa Odlukom o usvajanju Godišnjeg plana provođenja Programa razvoja male privrede za 2025. godinu ("Službene novine Kantona Sarajevo", broj 17/25) i tačkom 2. Zaključka Vlade Kantona Sarajevo, broj: 02-04-8597-24/25 od 13.03.2025. godine Ministarstvo privrede Kantona Sarajevo objavljuje

JAVNI POZIV
za podnošenje prijave u okviru
Programa poduzetničke akceleracije

I UVOD

Kanton Sarajevo je u 2025. godini pokrenuo Program poduzetničke akceleracije, s ciljem jačanja lokalnog inovacijskog ekosistema i privlačenja privatnog kapitala u ranim fazama razvoja poslovanja. Program se provodi kroz partnerstvo Ministarstva privrede Kantona Sarajevo i Javne ustanove Centar za napredne tehnologije (u daljnjem tekstu: CNT), sa operativnim sprovođenjem od strane Centra za razvoj poduzetništva (u daljnjem tekstu: CRP) kao organizacione jedinice ove ustanove. Program predstavlja strateški iskorak u podršci mladim privrednim društvima koja imaju sjedište u Kantonu Sarajevo i najmanje jednog zaposlenog. Fokus je na društvima koja su u fazi širenja poslovanja i koja razvijaju inovativna rješenja s potencijalom izlaska na domaće i međunarodno tržište. Program je osmišljen kao most između startupa i investitora, gdje CRP putem specijalizovane web platforme omogućava prezentaciju poslovnih ideja investitorima. Ove ideje se potom evaluiraju, a najperspektivniji timovi dobijaju priliku da svoje projekte predstave direktno pred investitorima, u prostorijama CNT-a. Ključni kriterij za ulazak u program jeste formalizacija poslovne saradnje između startupa i investitora – konkretno, kroz ulazak investitora u vlasničku strukturu i preuzimanje obaveze ulaganja u poslovnu imovinu. Nakon uspostavljene saradnje, mlade firme stiču pravo da apliciraju za poticajna grant sredstva iz Budžeta Kantona Sarajevo i to po pravilima, uslovima i kriterijima koji su propisani ovim Javnim pozivom. Ovaj Javni poziv predstavlja nastavak systemske podrške koju Ministarstvo privrede Kantona Sarajevo i CRP pružaju startupima. Dok se kroz CRP već realiziraju aktivnosti edukacije, umrežavanja i infrastrukturne podrške, ovim pozivom se stavlja fokus na finansijsku komponentu Programa, odnosno kombinaciju privatnih investicija i javnih poticajnih grant sredstava.

II PREDMET POZIVA

Predmet Javnog poziva je dodjela finansijske podrške za ulaganja u tehnološku modernizaciju, uvođenje standarda kvaliteta i digitalizaciju poslovanja subjektu male privrede - pravnom licu koje je registrovano najmanje jednu godinu, a najviše tri godine od dana podnošenja projektnog prijedloga CRP-u i koje je u fazi razvoja i širenja poslovanja na domaćem i inostranom tržištu (u daljnjem tekstu: startup). Pravo na finansijsku podršku imaju samo startupi u koje je investirao odabrani investitor sa liste CRP-a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

1/7

III PRAVO UČEŠĆA

Pravo na učešće u postupku dodjele poticajnih sredstava po ovom Javnom pozivu ima startup koji podnese prijavu na ovaj Javni poziv i:

- 1) ako je registrovan najmanje jednu godinu, a najviše tri godine od dana podnošenja projektnog prijedloga CRP-u,
- 2) ako ispunjava uslove za svrstavanje u kategoriju subjekata male privrede shodno odredbama Zakona o poticaju razvoja male privrede ("Službene novine Kantona Sarajevo", broj 29/15),
- 3) ako ima najmanje jednog zaposlenog na neodređeno vrijeme u punom radnom vremenu,
- 4) ako je registrovan za obavljanje osnovne djelatnosti iz Tabele 1. ovog Poglavlja,
- 5) ako je njegovo sjedište na području Kantona Sarajevo,
- 6) ako je dostavio projektni prijedlog sa razrađenom poslovnom idejom na osnovu kojeg je, u okviru Programa poduzetničke akceleracije, investitor sa liste CRP-a (u daljnjem tekstu: investitor) investirao u startup,
- 7) ako dostavljeni projektni prijedlog iz tačke 6) ovog Poglavlja uključuje: ukupna sredstva za realizaciju poslovne ideje, eventualna sopstvena sredstva, sredstva koja je uložio investitor i tražena poticajna grant sredstva iz budžeta;
- 8) ako projektni prijedlog iz tačke 6) ovog Poglavlja ne uključuje korištenje poticajnih grant sredstava iz budžeta za neprihvatljive troškove iz Poglavlja V ovog Javnog poziva i korištenje sredstava investitora za troškove suprotno pravilima iz Poglavlja VI tačka 2) podtačka n) ovog Javnog poziva,
- 9) ako je dostavio dokaz da je investitor investirao u startup na osnovu projektnog prijedloga iz tačke 6) ovog Poglavlja,
- 10) ako je dostavio dokaz da je investitor stekao vlasnički udio u startupu,
- 11) ako je dostavio prijavu u skladu s ovim Javnim pozivom,
- 12) ako ispunjava sve ostale uslove iz ovog Javnog poziva i
- 13) ako je primjenom pravila i kriterija za odabir korisnika sredstava iz Poglavlja IX ovog Javnog poziva i limita ukupno planiranih sredstava iz Poglavlja IV ovog Javnog poziva odabran kao korisnik sredstava.

Tabela 1. Popis registrovanih osnovnih djelatnosti obuhvaćenih Javnim pozivom

Popis registrovanih osnovnih djelatnosti obuhvaćenih Javnim pozivom		
Područje prema KD BiH 2010	Naziv područja prema KD BiH 2010	Obuhvaćene šifre djelatnosti iz područja prema KD BiH 2010
C	Prerađivačka industrija	(16.10-16.29), (24.10-24.54), (25.11-25.99), (27.11-27.12), (28.41-28.49), 28.91, 31.01, 31.02, 31.09, 38.32 i 43.22.
J	Informacije i komunikacije	58.21, 58.29 i (62.01-63.11).
M	Stručne, znanstvene i tehničke djelatnosti	(69.10-69.20), (70.10-71.12), (72.19-72.20), 73.11, 73.20, 74.10, 74.30 i 74.90.
N	Administrativne i pomoćne uslužne djelatnosti	78.10, 78.20, 78.30, 79.11, (82.11-82.91) i 82.99.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

- novinama Kantona Sarajevo" (original ili fotokopija ovjerena od nadležnog organa - općina/notar);
- c) Uvjerenje Općinskog suda u Sarajevu kojim se potvrđuje da startup nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, ne starije od 90 dana od dana objave Obavještenja o Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
 - d) Uvjerenje o poreskoj registraciji - identifikacijski broj (ID broj) izdato od Porezne uprave Federacije BiH (original ili fotokopija ovjerena od nadležnog organa - općina/notar);
 - e) Uvjerenje o registraciji obveznika poreza na dodanu vrijednost izdato od Uprave za indirektno/neizravno oporezivanje BiH ili u slučaju da startup nije obveznik po ovom osnovu potrebno je dostaviti uvjerenje Uprave za indirektno/neizravno oporezivanje BiH da isti nije upisan u Jedinostveni registar obveznika indirektnih poreza, ne starije od 90 dana od dana objave Obavještenja o Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
 - f) Obavještenje o razvrstavanju prema klasifikaciji osnovne djelatnosti, koje izdaje Federalni zavod za statistiku - Služba za statistiku za područje Kantona Sarajevo prema Klasifikaciji djelatnosti KD BiH 2010 ("Službeni glasnik BiH", broj 47/10) (original ili fotokopija ovjerena od nadležnog organa - općina/notar);
 - g) Uvjerenje Porezne uprave Federacije BiH o izmirenim obavezama po osnovu poreza i doprinosa sa obaveznim prilogom - Lista osiguranika za obveznika ne starije od 90 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
 - h) Uvjerenje Uprave za indirektno/neizravno oporezivanje BiH o izmirenim indirektnim porezima ne starije od 90 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar), izuzev ako je startup dostavio uvjerenje Uprave za indirektno/neizravno oporezivanje BiH da isti nije upisan u Jedinostveni registar obveznika indirektnih poreza iz podtačke e) ove tačke;
 - i) Ugovor ili potvrda banke o otvorenom bankovnom računu na ime startupa (original ili fotokopija ovjerena od nadležnog organa - općina/notar);
 - j) Izjava ovlaštenog lica startupa u originalu, ovjerena potpisom ovlaštenog lica, te dodatno ovjerena od nadležnog organa - općina/notar, kojom ovlašteno lice pod punom moralnom, materijalnom i krivičnom odgovornošću potvrđuje:
 - i. da će startup u kojem je ovlašteno lice namjenski utrošiti sredstva ukoliko mu ista budu dodijeljena po ovom Javnom pozivu,
 - ii. da će startup u kojem je ovlašteno lice osigurati da se novčana sredstva uplaćena od strane investitora koriste isključivo za sticanje poslovne imovine koja je neposredno povezana s obavljanjem i razvojem djelatnosti startupa,
 - iii. da je startup u kojem je ovlašteno lice, u slučaju da je bio korisnik sredstava na osnovu Zakona o poticaju razvoja male privrede ("Službene novine Kantona Sarajevo", broj 29/15), opravdao namjenski utrošak ovih sredstava, a ako nije bio korisnik ovih sredstava da nije bio korisnik ovih sredstava,
 - iv. da startup u kojem je ovlašteno lice nije tri godine uzastopno koristio poticajna sredstva Ministarstva privrede Kantona Sarajevo po bilo kojem programu, računajući od zadnje godine u kojoj su mu sredstva odobrena,
 - v. da startup u kojem je ovlašteno lice za predmet poticaja za koji je podnesena prijava po ovom Javnom pozivu nije primio poticajna sredstva putem drugih

IV IZNOS SREDSTAVA

Ukupan planirani iznos sredstava (limit): Ukupan planirani iznos sredstava (limit) za poticaj prihvatljivih troškova po ovom Javnom pozivu je 200.000,00 KM (slovima: dvijestotinehiljada konvertibilnih maraka), a ova finansijska sredstva utvrđena su u Budžetu Kantona Sarajevo za 2025. godinu, na poziciji "Poticaj razvoju male privrede", ekonomski kod 614500, subanalitika IAP 005 i planirana u Godišnjem planu provođenja Programa razvoja male privrede za 2025. godinu ("Službene novine Kantona Sarajevo", broj 17/25) (u daljnjem tekstu: Godišnji plan).

Maksimalni iznos poticajnih sredstava po pojedinačnom korisniku: Ministarstvo privrede Kantona Sarajevo može, po ovom programu, finansirati iznos koji odgovara visini dokazane uplate investitora iz Poglavlja VI tačka 2) podtačka o) Javnog poziva, a najviše do 30.000 KM (slovima: trideset hiljada konvertibilnih maraka) i to isključivo za prihvatljive troškove definisane u Poglavlju V ovog Javnog poziva.

V PRIHVATLJIVI I NEPRIHVATLJIVI TROŠKOVI

Prihvatljivi troškovi koji su predmet poticaja po ovom Javnom pozivu su troškovi direktno i/ili indirektno neophodni za obavljanje osnovne djelatnosti startupa, a odnose se na:

- 1) kupovinu mašina, alata, opreme i tehnike, a koja nije starija od deset godina;
- 2) digitalizaciju poslovanja (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.) i
- 3) jačanje konkurentnosti kroz uvođenje sistema međunarodnih standarda kvalitete, odnosno angažman registrovanih institucija za pružanje odgovarajućih konsultantskih usluga i edukacije za certificiranje sistema i certificiranje proizvoda (CE oznaka) i sticanje prava ili obnavljanje upotrebe: ISO, HACCP, HALAL i drugih međunarodnih standarda.

Napomena 1: Za predmete nabavke iz tačaka 1), 2) i 3) ovog Poglavlja dobavljač mora biti poslovni subjekt koji je registrovan i obavlja odnosnu djelatnost u skladu sa zakonskim propisima.

Napomena 2: Poticajna sredstva startup može koristiti samo za one prihvatljive troškove koji su nastali i plaćeni nakon zaključivanja ugovora o dodjeli poticajnih sredstava po ovom Javnom pozivu.

Neprihvatljivi troškovi: kupovina zemljišta, stana/kuće, poslovnog prostora, građevinski radovi i nabavka i najam svake vrste motornog vozila, osim nabavke teretnog vozila i radne mašine registrovanih na startup, građevinski radovi, troškovi električne energije, vode i drugi komunalni troškovi, troškovi repromaterijala, troškovi nabavke mobilnog telefona, te svi ostali troškovi koji nisu navedeni kao prihvatljivi.

VI SADRŽAJ PRIJAVE NA JAVNI POZIV

Podnosilac prijave na Javni poziv - startup mora dostaviti prijavu koja uključuje sljedeće:

- 1) **Prijavni obrazac**, ovjeren potpisom ovlaštenog lica i pečatom startupa (original);
- 2) **Isprave i drugu dokumentaciju**, kako slijedi:
 - a) Historijski izvod iz sudskog registra za startup u kojem je vidljivo da je investitor upisan kao vlasnik udjela u startupu na dan izdavanja ovog dokumenta, ne stariji od dana 09.10.2025. godine, izdat od Općinskog suda u Sarajevu (original ili fotokopija ovjerena od nadležnog organa - općina/notar);
 - b) Uvjerenje Suda Bosne i Hercegovine kojim ovlašteno lice startupa dokazuje da mu u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, ne starije od 90 dana od dana objave Obavještenja o Javnom pozivu u "Službenim



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

činjenice utvrde nakon dodjele poticajnih sredstava, startup kojem budu dodijeljena sredstva dužan je izvršiti povrat ovih sredstava sa pripadajućim zakonskim zateznim kamatama.

VII ROK ZA PODNOŠENJE PRIJAVA

Rok za dostavljanje prijave je 30 (trideset) dana od dana objave Obavještenja o Javnom pozivu u "Službenim novinama Kantona Sarajevo", odnosno do 08.11.2025. godine. Javni poziv, prijavni obrazac, i pripadajući prilozi objavljeni su na web stranici Ministarstva privrede Kantona Sarajevo: <http://mp.ks.gov.ba/>.

VIII MJESTO I NAČIN PODNOŠENJA PRIJAVA

Prijava se podnosi u zatvorenoj koverti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - za podnošenje prijave u okviru Programa poduzetničke akceleracije" što mora biti navedeno na prednjoj strani koverta. Na poledini koverta obavezno je navesti sljedeće: puni naziv startupa, ID broj startupa, adresa sjedišta, e-mail adresa i kontakt telefon, te ovjeriti pečatom.

IX KRITERIJI ZA IZBOR KORISNIKA

1) Na startup koji zadovolji sve uslove ovog Javnog poziva bit će primijenjeni kriteriji za rangiranje dostavljenog projektnog prijedloga iz Tabele 2. ovog Javnog poziva. Maksimalan broj bodova za ocjenu kvaliteta projektnog prijedloga je 70 bodova. Startup koji ostvari manje od 35 bodova prilikom evaluacije projektnog prijedloga ne može ući u dalju proceduru dodjele sredstava po ovom Javnom pozivu. U okviru evaluacije kvaliteta projektnog prijedloga startup, koji zadovolji uslove ovog Javnog poziva i čiji projektni prijedlog bude bodovan sa više od 35 bodova, bit će pozvan na intervju pred Komisijom za izbor korisnika sredstava po ovom Javnom pozivu.

Tabela 2. Kriteriji za ocjenu kvaliteta projektnog prijedloga

I Kriteriji za ocjenjivanje kvaliteta projektnog prijedloga	
Naziv kriterija	Broj bodova
Istraživanje tržišta i analiza konkurencije	0-10
Plan marketinga i plasmana proizvoda/usluga	0-7
Operativni plan realizacije (usluge/proizvodnja/tehnologija)	0-15
Organizacija i tim (menadžment, kapaciteti, kompetencije)	0-7
Finansijska održivost i struktura prihoda	0-15
Inovativnost	0-8
Mogućnost kreiranja novih radnih mjesta	2 radna mjesta - 1 bod
	3 i više radnih mjesta - 3 boda
Mogućnost izvoza	0-5
Maksimalan broj bodova	70 bodova

2) Prijava će se bodovati i po kriteriju ukupnog iznosa investicije iz Poglavlja VI tačka 2) podtačka o) ovog Javnog poziva, a najveća vrijednost po ovom kriteriju iskazana u konvertibilnim markama bit će ocijenjena sa 30 bodova.

3) Za podnosioca prijave koji dokaže vrijednost manju od najveće vrijednosti iz tačke 2) ovog Poglavlja, bodovanje će se vršiti na sljedeći način: (Ukupna vrijednost iznosa investicije iz Poglavlja



- programa finansiranja/sufinansiranja Vlade Kantona Sarajevo, neke druge institucije u Federaciji BiH ili nevladine organizacije,
- vi. da je saglasan da rezultat ovog Javnog poziva bude objavljen na web stranici Ministarstva privrede Kantona Sarajevo;
- vii. da je saglasan da Ministarstvo privrede Kantona Sarajevo i Komisija za izbor korisnika poticajnih sredstava po ovom Javnom pozivu mogu obrađivati dokumente kojima se dokazuje njegov lični identitet i lični identitet drugih lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik Bosne i Hercegovine", broj 12/25);
- k) Projektni prijedlog sa razrađenom poslovnom idejom na osnovu kojeg je investitor investirao u startup, ovjeren potpisom ovlaštenog lica startupa i pečatom startupa, (original);
- l) Izjava sačinjena od strane investitora, kojom se potvrđuje da je investitor izvršio ulaganje u startup na osnovu projektnog prijedloga iz podtačke k) ove tačke, ovjerena potpisom ovlaštenog lica i pečatom investitora ako je investitor pravno lice, odnosno potpisom investitora i dodatno ovjerena od strane nadležnog organa (općina/notar) ako je investitor fizičko lice (original);
- m) Izjava sačinjena od strane CNT-a, kojom ova ustanova potvrđuje: da se investitor koji je investirao u startup nalazi na listi investitora CRP-a, da je projektni prijedlog iz podtačke k) ove tačke sačinjen u okviru Programa poduzetničke akceleracije te da je poslovna saradnja između investitora i startupa nastala kao rezultat ovog Programa, ovjerena potpisom ovlaštenog lica i pečatom CNT-a (original);
- n) Notarski obrađen ugovor zaključen između startupa i investitora, kojim se dokazuje stvaranje obaveze investitora da investira određeni iznos novčanih sredstava u poslovnu imovinu startupa, s tim da se predmetnim ugovorom mora dokazati i da je ovaj novčani iznos startup obavezan utrošiti na materijalna i/ili nematerijalna stalna sredstva direktno vezana za obavljanje i razvoj svoje djelatnosti (original ili fotokopija ovjerena od nadležnog organa - općina/notar);
- o) Potvrda banke o realizovanom nalogu u kojoj je evidentirano da je investitor na račun startupa uplatio novčani iznos iz podtačke n) ove tačke (original) i
- p) Drugi dokumenti ako su propisani Javnim pozivom.

Posebne napomene:

- Prije zaključenja ugovora o dodjeli poticajnih sredstava startup izabran odlukom o izboru korisnika sredstava ima obavezu da dostavi dvije bjanko ovjerene mjenice (originali) uz dvije pripadajuće mjenične izjave popunjene u štampanoj formi (Prilog Javnog poziva). Detalji o načinu i roku dostavljanja mjenica i mjeničnih izjava bit će utvrđeni odlukom o izboru korisnika sredstava koju donosi Vlada Kantona Sarajevo. Ugovorom o dodjeli poticajnih sredstava definisat će se svi detalji i pravila korištenja predmetnih poticajnih sredstava (prava i obaveze ugovornih strana).
- Korisnik sredstava - startup ima obavezu da posluje minimalno dvije godine, počev od dana zaključenja ugovora o dodjeli poticajnih sredstava po ovom Javnom pozivu, a u tom periodu mu nije dozvoljeno otuđenje i prodaja materijalnih stalnih sredstava finansiranih poticajnim sredstvima dodijeljenim po ovom Javnom pozivu.
- Shodno članu 8. stav (3) Pravilnika o postupcima u provođenju programa razvoja male privrede ("Službene novine Kantona Sarajevo", broj 17/25), dokumentacija dostavljena po Javnom pozivu ne vraća se podnosiocu prijave.
- Ukoliko se naknadno utvrdi da su tvrdnje u izjavi iz Poglavlja VI tačka 2) podtačka j) ovog Javnog poziva neistinite, kao i da je druga dokumentacija koju dostavi startup a propisana je ovim Javnim pozivom neistinita, prijava se neće uzeti u razmatranje, a ukoliko se ove

VI tačka 2) podtačka o) Javnog poziva / Najveća vrijednost iznosa investicije iz Poglavlja VI tačka 2) podtačka o) Javnog poziva) x 30 bodova.

4) Na osnovu kriterija iz tačka 1) i 2) ovog Poglavlja podnosilac prijave može ostvariti maksimalno 100 bodova.

5) Po ovom Javnom pozivu može biti odabran broj korisnika do iskorištenja limita iz Poglavlja IV ovog Javnog poziva.

X OSTALE ODREDBE

Sa odabranim korisnicima Ministarstvo privrede Kantona Sarajevo zaključuje ugovor o dodjeli poticajnih sredstava, nakon čega se sredstva doznačavaju na dostavljene račune korisnika. U skladu sa ugovorom korisnik poticajnih sredstava ima obavezu da po izvršenoj dodjeli sredstava u roku od šest mjeseci dostavi dokaze o utrošenim poticajnim sredstvima za koje su mu u skladu s ovim Javnim pozivom odobrena sredstva po prihvaćenom projektnom prijedlogu. Također korisnik sredstava ima obavezu da po izvršenoj dodjeli sredstava u roku od šest mjeseci dostavi i dokaze o utrošenim sredstvima iz Poglavlja VI tačka 2) podtačka o) ovog Javnog poziva. Namjenski utrošak poticajnih grant sredstava dodijeljenih na osnovu ovog Javnog poziva i namjenski utrošak sredstava iz Poglavlja VI tačka 2) podtačka o) ovog Javnog poziva korisnik sredstava dokazuje dostavljanjem: ugovora i/ili računa uz fiskalni račun (ukoliko postoji zakonska obaveza izdavanja fiskalnog računa) kojima se dokazuje namjensko korištenje sredstava i dokaze o plaćanju dostavljenih računa (izvod iz banke ili potvrda banke o realizovanom nalogu za plaćanje), te fotodokumentaciju mašina, postrojenja i opreme koji su nabavljeni kao i drugim relevantnim dokazima. Ministarstvo privrede Kantona Sarajevo se obavezuje da vrši nadzor nad provođenjem ugovornih obaveza iz ugovora o dodjeli poticajnih sredstava, uvidom u dokumentaciju u vlastitim prostorijama i kod korisnika sredstava, a u slučaju potrebe i uvidom u podatke pribavljene službenim putem od strane relevantnog nadležnog organa. Ministarstvo privrede Kantona Sarajevo pri vršenju nadzora poduzima mjere iz svoje nadležnosti, a u slučaju kada činjenično utvrdi razlog za poduzimanje odnosne mjere ili utvrdi postojanje osnovane sumnje da postoji krivična odgovornost određenog lica, u njegovom postupanju prije i nakon zaključenja ugovora, Ministarstvo privrede Kantona Sarajevo će bez odgađanja pokrenuti postupak utvrđivanja krivične odgovornosti tog lica. Podnosilac prijave po ovom Javnom pozivu, u cilju zaštite svojih prava, može dostaviti pisani prigovor Ministarstvu privrede Kantona Sarajevo, u roku od osam dana od dana objave preliminarog prijedloga korisnika poticajnih sredstava. Po ovom prigovoru riješava Ministarstvo privrede Kantona Sarajevo, najkasnije u roku od 15 dana.

Napomena: Zahtjev za dodatne informacije po određenim pitanjima iz ovog Javnog poziva se može podnijeti putem telefona: **033/258-132**, svakim radnom danom u periodu od 08:00 do 12:00 sati i u periodu od 14:00 do 16:00 sati.

Dostavljeno:

1. Evidenciji i
2. Arhivi.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

